



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Asunto: Derogación da Ordenanza reguladora do Prezo Público pola prestación de servizos extraescolares para a Conciliación.

Expediente: 2026/G016/000001

INFORME DA SECRETARÍA-INTERVENCIÓN

Esta funcionaria, en virtude das atribucións de control establecidas no artigo 213 do TRLRFL e desenvolvidas no RD 424/2017, do 28 de abril; e atendendo ás facultades recollidas RD 128/2018, do 16 de marzo, polo que se regula o réxime xurídico dos Funcionarios de Administración Local con Habilitación de carácter Nacional, emite o seguinte informe, baseado nos seguintes

Antecedentes Administrativos:

- 1) Informe do Departamento de Servizos Sociais, do 13/02/2026, xustificativo das razóns sociais de interese público que aconsellan derogar a ordenanza reguladora do Prezo Público pola prestación de servizos extraescolares para a Conciliación.
- 2) Providencia da Alcaldía, do 19/02/2026, solicitando informe sobre a lexislación aplicable e procedemento administrativo.

No cumprimento do anterior, emítese o presente informe, onde se analizarán os seguintes aspectos:

1. Lexislación aplicable
2. Competencia local para a adopción do acordo.
3. Órgano competente para a aprobación dos prezos públicos e posibilidade de delegación.
4. Procedemento para o establecemento/modificación/supresión do prezo público
5. Análise Técnico-Económico relativo ás consecuencias da supresión do prezo público

INFORME

Primeiro: Lexislación Aplicable

... que xustifica a emisión deste informe:

- Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRFL)
- Real Decreto 128/2018, do 16 de marzo, de Réxime Xurídico dos Funcionarios de Administración Local con Habilitación de Carácter Nacional
- Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROF)

... aplicable ao expediente administrativo:



- Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRFL)
- Lei 29/2015, do 1 de outubro, de procedemento administrativo común das Administracións Públicas (LPAC)

Segundo: Competencia local para a adopción do acordo

O prezo público, creado pola Lei 8/1989, do 13 de abril, é un ingreso de dereito público de natureza non tributaria que forma parte dos recursos das facendas locais; e que se esixe pola prestación de servizos ou pola realización de actividades de competencia da entidade local. Os municipios teñen recoñecida esta facultade no artigo 127 do TRLRFL:

ARTÍCULO 127. PRECIOS PÚBLICOS

Los ayuntamientos podrán establecer y exigir precios públicos por la prestación de servicios o la realización de actividades de competencia municipal, según las normas contenidas en el capítulo VI del título I de esta ley.

Sendo unha competencia municipal a *prestación dos servizos sociais e de promoción e reinserción social*, tal e como establece o artigo 25.2.k)) da LRBRL, os Concellos poderán establecer un prezo público pola prestación dun servizo neste ámbito competencial. Tamén poderán acordar a súa supresión.

Terceiro: Órgano competente para a aprobación dos prezos públicos e posibilidade de delegación.

A normativa reguladora dos prezos públicos contense nos artigos 41 e seguintes do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo.

O artigo 47, en concreto, establece que o **establecemento ou modificación** dos prezos públicos corresponderá ao **Pleno da corporación**, sen prexuízo das súas **facultades de delegación** na Comisión de Goberno.

Polo tanto, o órgano competente para o establecemento/modificación/supresión deste prezo público é o **Pleno Corporativo**.

Cuarto: Procedemento para o establecemento/modificación/supresión do prezo público

O procedemento para a súa aprobación, require, en síntese:

1. Providencia de incoación do expediente. *Consta no expediente.*
2. Informe da Secretaría e Intervención, *que se cumprimenta co presente.*
3. Proposta de acordo que se someterá a aprobación do órgano competente (Pleno Corporativo), previo ditame da Comisión Informativa que corresponda por razón da materia.
4. Reaído o acordo polo órgano competente, será publicado no Boletín Oficial da Provincia e no Taboleiro de Anuncios do Concello, para xeral coñecemento de calquera interesado.



Sen embargo, como a regulación deste prezo público se contén nunha ordenanza, nada impide que se cumprimente a mesma tramitación esixida para a aprobación/modificación/supresión de calquera outra ordenanza fiscal:

- Aprobación inicial polo Pleno Corporativo, previo ditame da Comisión Informativa que corresponda, e co quórum da maioría simple.
- Apertura dun período de información pública, por un prazo de 30 días hábiles, cun anuncio que será publicado no BOP e no Taboleiro de Edictos do Concello.
- Concluído o período de información pública, no caso de que se tivesen presentado reclamacións e/ou suxerencias deberán ser resoltas polo Pleno Corporativo e posteriormente proceder á aprobación definitiva da modificación.
- No caso de que non se tivese presentado ningunha reclamación ou suxerencia, entenderase definitivamente adoptado o acordo que até ese momento era provisional.
- Para a entrada en vigor da modificación, requírese a publicación do texto íntegro no BOP; tal e como sinala o artigo 17 do TRLRFL e artigo 70.2 da LRBRL:

"Los acuerdos que adopten las corporaciones locales se publican o notifican en la forma prevista por la Ley. Las ordenanzas, incluidos el articulado de las normas de los planes urbanísticos, así como los acuerdos correspondientes a éstos cuya aprobación definitiva sea competencia de los entes locales, se publicarán en el "Boletín Oficial" de la Provincia y no entrarán en vigor hasta que se haya publicado completamente su texto y haya transcurrido el plazo previsto en el artículo 65.2 salvo los presupuestos y las ordenanzas fiscales que se publican y entran en vigor en los términos establecidos en la Ley 39/1988, de 28 de diciembre, reguladora de las Haciendas Locales. Las Administraciones públicas con competencias urbanísticas deberán tener, a disposición de los ciudadanos que lo soliciten, copias completas del planeamiento vigente en su ámbito territorial"

Quinto: Análise Técnico-Económico relativo ás consecuencias da supresión do prezo público

O artigo 129 da LPACAP establece:

"7. Cuando la iniciativa normativa afecte a los gastos o ingresos públicos presentes o futuros, se deberán cuantificar y valorar sus repercusiones y efectos, y supeditarse al cumplimiento de los principios de estabilidad presupuestaria y sostenibilidad financiera"

Se analizamos os ingresos recadados por este prezo público nos últimos 3 exercicios orzamentarios, extraemos os seguintes datos:

Aplicación orzamentaria	ANO	DRN	DRN TOTAIS	% SOBRE O TOTAL
34103	2025	2.155,36	4.141.204,71	0,05 %
34103	2024	2.488,08	4.099.929,87	0,06 %
34103	2023	2.370,74	3.994.990,42	0,06 %

Polo tanto a supresión deste prezo público, polo aplicación do principio de importancia relativa, non deba ter efectos negativos aos efectos da estabilidade orzamentaria e sustentabilidade financeira.

Conclusiones:



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Primeira: É posible suprimir o prezo público pola prestación do servizo de Concilia do Concello de Lousame; así como derrogar a ordenanza reguladora do mesmo.

Segunda: O órgano competente para adoptar o acordo é o Pleno Corporativo, por maioría simple; previo ditame da Comisión Informativa correspondente.

Terceira: O procedemento para acometer a dita aprobación é máis sinxelo que o sinalado para unha ordenanza fiscal; pero nada impide que se aplique o procedemento regulado no artigo 17 do TRLRFL ou 49 da LRBRL, ao estar o prezo público contido nunha ordenanza.

Este é o meu informe, que emito sen prexuízo doutro mellor fundado en dereito. De todos os xeitos, o órgano competente para resolver adoptará a decisión que estime máis conveniente ao interese xeral.

Documento asinado dixitalmente

A Secretaria-Interventora

Paula Ares Otero

*Visto. Achéguese ao expediente
A Alcaldía*

Esteban Ares García